

سنه لکی در سعادت ایچون مجیدیه  
یکرمی فروش حسابیله التمش  
غروشد

طشره ایچون پوسته اجرتی اوله رق  
اون بش فروش ضم اولنور

نسخه سی ۴۰ پاره در

# تَشْجِیْهَات

آبونه اولمق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرندن بر مجیدیه اخذ  
ایدلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## تَشْجِیْهَات

وظائف مودوعه سی حسن ایفاده مشاهد اولان  
اقدام وغیرته مبنی مهاجرین اسلامیه قومیسون  
تالیسینک امور تحریریه سنده بولنان عدلیه نظارت  
جلیله سی مکتوبی قلمی خلفاسندن سعادتلو اسماعیل  
بکه ترفیعاً رتبه اولی صنف ثانیه سی  
وظیفه مأموریتی ایفاده مشاهد اولان مساعی  
رویتندانه سنه مبنی انقره ولایتی مرکز بدایت محکمه سی  
جزا دائره سی رئیس عزتلو حمدی افندی به ترفیعاً رتبه  
ثانیه صنف ثانیه سی توجیه بیورلشدر.

[کوملجنه سنجاغنه مربوط قضالر تشکیلات عدلیه سی]  
سلطان یری قضاسی بدایت محکمه سی ریاستی  
اولونیه بدایت محکمه سی رئیس ثابت افندی به  
قضای مزبور مدعی عمومی معاونلکی مکتب  
حقوق شاهانه مأذونلرندن محمد امین افندی به  
اخچی چلبی قضاسی بدایت محکمه سی ریاستی مکتب  
مذکور مأذونلرندن محمد الماس افندی به  
اکری دره قضاسی بدایت محکمه سی ریاستی  
محکمه تمیز ضبط کتبه سندن ومکتب مذکور مأذونلرندن  
محمد امین افندی به

قضای مزبور مدعی عمومی معاونلکی مکتب  
مذکور مأذونلرندن حافظ محمد ظریفی افندی به  
داری دره قضاسی بدایت محکمه سی ریاستی  
مکتب مذکور مأذونلرندن علی کمال افندی به  
قضای مزبور مدعی عمومی معاونلکی مکتب  
مذکور مأذونلرندن احمد ادیب افندی به

[قرق کلیسا سنجاغنه مربوط قضالر تشکیلات عدلیه سی]  
اخته پولی قضاسی بدایت محکمه سی ریاستی قرجه  
علی مدعی عمومی معاونی حسین حسنی افندی به  
قضای مزبور مدعی عمومی معاونلکی مکتب  
حقوق شاهانه مأذونلرندن حافظ حسین افندی به  
مدیه قضاسی بدایت محکمه سی ریاستی ادرنه  
ولایتی مرکز بدایت محکمه سی باش کاتبی شمس الدین  
افندی به

بابای عتیق قضاسی بدایت محکمه سی ریاستی  
ادرنه ولایتی مرکز بدایت محکمه سی سر مستطقی  
رمزی افندی به  
قضای مزبور مدعی عمومی معاونلکی ادرنه  
ولایتی استیناف محکمه سی باش کاتبی منیر افندی به  
[دده اغاج سنجاغنه مربوط قضالر تشکیلات عدلیه سی]  
اینوز قضاسی بدایت محکمه سی ریاستی مکتب  
حقوق شاهانه مأذونلرندن حسین نشأت افندی به  
قضای مزبور مدعی عمومی معاونلکی مکتب  
مذکور مأذون قهرمان حزمی افندی به  
صوفیلو قضاسی بدایت محکمه سی ریاستی اسکچه  
مدعی عمومی معاونی برهان الدین بکه

قضای مزبور مدعی عمومی معاونلکی مکتب  
مذکور مأذون محمود جلال الدین افندی به  
[تکفور طاغی سنجاغنه مربوط قضالر]  
[تشکیلات عدلیه سی]

معلقره قضاسی بدایت محکمه سی ریاستی ادرنه  
ولایتی استیناف محکمه سی حقوق دائره سی باش کاتبی  
حسنی افندی به

چورلی قضاسی بدایت محکمه سی ریاستی چکمهجه  
صغیر قضاسی بدایت محکمه سی باش کاتبی نعیم افندی به  
چورلی قضاسی مدعی عمومی معاونلکی اطنه  
ولایتی مرکز بدایت محکمه سی مقاولات محرری  
مکتب حقوق شاهانه دن مأذون محمود ندیم افندی به  
خیره بولی قضاسی بدایت محکمه سی ریاستی  
موش سنجاغی بدایت محکمه سی جزا دائره سی رئیس  
اسبقی نعمان افندی به

قضای مزبور مدعی عمومی معاونلکی تکفور  
طاغی سنجاغی بدایت محکمه سی باش کاتبی محمد حمدی  
افندی به

[کلیبولی سنجاغنه مربوط قضالر تشکیلات عدلیه سی]  
کشان قضاسی بدایت محکمه سی ریاستی مکتب  
حقوق شاهانه مأذونلرندن احمد کامل افندی به  
قضای مزبور مدعی عمومی معاونلکی مکتب  
مذکور مأذون علی رضا افندی به

شارکوی قضاسی بدایت محکمه سی ریاستی دراج  
سنجاغی نائب سابق محمد راسم افندی به  
قضای مزبور مدعی عمومی معاونلکی مکتب  
مذکور مأذون محمد عارف افندی به  
مرفقه قضاسی بدایت محکمه سی ریاستی مکتب  
مذکور مأذون علی ضیا افندی به  
قضای مزبور مدعی عمومی معاونلکی مکتب  
مذکور مأذون عبده خالص افندی به  
آچه آباد قضاسی بدایت محکمه سی ریاستی یانیه  
ولایتی مرکز ایکنجی مستطقی طاهر افندی به  
قضای مزبور مدعی عمومی معاونلکی مکتب  
مذکور مأذون عبدالرحمن عطاء اه افندی به تقویض  
بیورلش ومومی الیهمندن در سعادتده بولنانلرندن علی ضیا  
وعبده خالص و احمد کامل و علی رضا افندیلرک  
« ذات شوکتسمات حضرت خلافتناهی به ودولت  
علیه لرینه صادقانه حسن ایفای خدمت ایلیه جککرینه  
وخلاف ناموس و صداقت ومغایر عدالت احوال  
وحرکاتی ده ارتکاب اتمیه جککرینه » دائر امر تحلیف لری  
اجرا و دیگر لرینک ده اولوجهله لزوم تحلیف لری محللرینه  
تبلیغ وانبا قلنمشدر .

## تَبْلِیْغَات

سلانیک روم خسته خانه سی متولسی شرفه افندینک  
یانی قوطر وچویه نامنه محرر ابراز ایلدیک برقطعه ایجار  
مقوله نامه سنه استناداً غریب اوغللرندن فوطینک اقامت  
ایدوب مرکز ولایت بدایت محکمه سی اجرا دائره سندن  
تخلیه قلنان بر باب خانه حقنده مزبور فوطی جانبندن  
در میان ایدیلان تصرف ادعاسنک موجر ومستأجرک  
غیری اشخاص آره سنده حادث اولمش وتخلیه سی تقرر  
ایدن بر محله محکوم علیه ویا مستأجرندن بشقه برکیمسه  
نک اقامتی امر تخلیه یی تأخیر ایده میسه جکی انجمن  
عدلیه نک مقررات متعدده سی ایجابندن بولنش اولمنسه  
نظراً تخلیه معامله سی موافق اصول وقانون کی کورنمکده  
ایسه ده کیفیتک بر کره دهها انجمنجه تدقیق حقنده



امور حقوقیه مدیرتندن اعطا قتلان مذکره اوزرینه دائرهٔ اجراجه ابراز اولنان مصدق ایجارمقاوله نامه سنه ابتداء وایجار عقار نظامنامه سنه توفیقاً مذکور خانه نك تخلیه سنه قرار ویریه رك اولوجه امرتخلیه سی اجرا قلمش واکرچه رسمی مقاوله نامهیه مربوط اولان مأجورك مدت معینه سی ختامنده تخلیه سندن امتناع وقوعنده طوغریدن طوغری به دائرهٔ اجراءن بالتخلیه موجه تسلیمی و مستأجرك امتناعی تصرف و تملك ادعاسنه مبتنی اولسه یله مادامكه ایجار مقاوله نامه سی مستأجر صفیله امضا و تختم ایشددر شو اداسندن دولایي محكمه عاده سنه مراجعت اتمك اوزره حكم مقاوله نك تنفیذی مذکور نظامنامه نك جمله مندرجاستندن بولندینی کی مجرد امرتخلیه نی تعویق و اشكال مقصدیه مأجورك اشخاص سائر به اشغال ابندیلمش اولسیده حكم نظامك اجرایی تأخیرایدر اسبابدن ممدود اولدینی بدیهی بولنش ایسه ده موضوع بحث اولان خانه ده من بورفوطینك اقامتی بو قییلدن اولمایوب بولك والده سی متوفاه ماریه نام قادیندن والده سنه واندن کندوسیه برادرلرینه انتقال ایدن مذکور خانه نك شو صورته ارثاً و انتقلاً حصه داری اولدینی ادعاسنه مبتنی اولمغه برابر مدت اقامتک اون بش سنه نی تجاوز ایتش و موجه صفیله تخلیه طلبنده بولنان خسته خانه متولیمی موی الیه شره فاقدینك درمیان ایلدیکی سلسله تصرفك دخی متوفاه من بوره ماریه نك وارثی دینلان یورکی حاجی ولالی نام کسنه به انتقال صورتیه تشکيل ایدرك ابراز اولنان ایجار مقاوله نامه سنك تاریخ تنظیمندن طقوز سنه مقدم مرقوم حاجی ولالی ایه غریب اوغلارندن سوطیری ولیغور بیتراندنه مذکور خانه نك جهت تصرفیه سندن دولایي دعوی نحدث ایدرك بدایهٔ و استینافاً جریان ایدن محاکمه نتیجه سنده اسباب تملكدن اولان ارث طریقیله مذکور خانه به ادعای استحقاقدن عبارت بولنان دعوی مذکور نك محكمه شرعیه به عادیته قرار ویرلیدیکی حالدده تعقب دعوی ایدلامسندن ناشی علی حاله قالدینی اوراق متعلقه مؤداسندن مفهم اولسنه نظراً موی الیه شره فاقدینك بدی سکر سنه دنبرو کندولرینك مستأجری اولق اوزره مذکور خانه نك برقسمنده اقامت ایلدیکی اوراق میاننده بولنان معاً مله لی عرخصالده محرر بانی قوطر و چویه نامه تنظیم ایندیردیکی سالف الذکر مقاوله نامه به استناداً و علی الخصوص طرفین بیننده کی تملك و تصرف دعواسنك برمنوال محرر محكمه به سوق ایدلمش و بوجهتك حکماً فصلی مقتضی اولوب دائرهٔ اجرائك بویه جهت تصرفیه متعلق منازعاتی تدقیق و اوراق میرزه نك حکم و قوتی تعیین و تقدیر ایه بر طرفك ثبوت تصرفه

و بناء علیه امرتخلیه نك اجرایی لزومه قرار ویرمی صلاحیت محدودده سی خارجنده بولنش اولدینی حالدده بورلری نظردقه آنقسنرین ضابطهٔ تخلیه واسطه سیله جبراً مذکور خانه نی متولی موی الیه تسلیم ایتسی یولسز و اصول و قانونه مغایر کورنشدر مع هذا شو صورته نتیجه لغش و استیناف و تمیز طریقیله تصحیحی غیر قابل بولنش اولان معاملات اجراییه دن متضرر بولنان طرفك اجرا وظیفه سیله مكلف رئیس محكمه عابنده اشكا عن الحکم دعوا سی اقامه سنه صلاحیت قانونیه سی اولدینی کی ایشك حال اصلیه سنه اجرایی ضمنتده معاملات اجراییه نك اعاده سنه قرار اعطایی دخی رئیس موی الیه عاڈ وظائفندن بولنش اولدینی انجمن مذکور دن افاده قلمشدر .

اجارتین ایه تصرف اولنان براب دکان ایه اراضی امیریه دن غیری ترکیبی ظهور اتمان مدیون متوفانك مذکور دکان ایه اراضی امیریه نك بدل مساسندن متولد دخی ایچون فارغی طرفندن حیز و فروختی جائز اولوب اوله میه جفی استفسارینی متضمن مناستر استیناف محكمه سی مدعی عمومیکندن وارد اولان تجربرات اوزرینه مسقات و مستغلات و قفیه نك انتقالی توسع ایدلمش و وفاء مرهون و مفروغ بولنش اولمادقه خزینة جلیله مطلوباتی مستثنا اولق اوزره بعد الوفاة تأمین دین ایده میه جکی نظامنامه مخصوصنده صورت مطلقه ده محرر بولندیغه بناء دینك اموال مذکور ه دن منبعث اولوب اولمادینك بومبجته جائز تأثیر اوله میه جکی امور حقوقیه مدیرتی افاده سیله مذکور مدعی عمومیکله بیلدرمشدر .

## محاکمهٔ قضاة

وظیفه یه دائر محكمه تمیز استعدا دائره سندن اعطا قتلان ۲۴ كانون اول سنه ۳۱۸ تاویخی اعلامدو :

قوش اطه سی قصبه سنده ساکن اتمکجی قسطنی قارتال ایه بیتراندنه متکون دعوایه دائر آیدین ولایتی استیناف محكمه سی حقوق دائره سندن لاحق اولان ۲۱ مایس سنه ۳۱۸ تاریخی اعلامك تمیزینی مستدعی قصبه مذکور دهه مقیم متوفی توتونچی نیقوله ورته سندن صغیره قری شودوسیا ووالده سی غایبه استمیانك وصی منصوبلری اموال ایتام مدیری احمد افندی ایه متوفای مرقومك برادری یورکی استراطینك مشترکاً ویردکری عرخصال و متفرعاتی باش مدعی

عمومیک مأموریت بهیسنك مطالعه نامه سیله برلشدریه رك محكمه تمیز استعدا دائره سنده لدی التدقیق مدت و شروط قانونیه سنه موافق اولدینی واعلام مذکورك وظیفه یه متعلق بولندینی اكلالشمغله عرخصال من بور بالقبول تدقیقات تمیزیه اجراسنه ابستار قلدی .

اعلام مذکورك خلاصهٔ مالی متوفای مرقوم توتونچی نیقوله نك مالی اولوب وفایله ورته منحصربه موروث اولان معلوم المقدار توتون و آلات و ادوات ایه برأس بارگیری اتش ایکی بیک سکر یوز کور غروشه فضولی آخره بیع و تسلم و مبلغ مذکور ی قبض و استهلاك ایدن مرقوم قسطنی قارتال علیه محكمه شرعیه جه حكم شرعی لاحق اولمش ایسه ده مبلغ من بورك فائض نظامیه یه مراجعت ایتاری لزومه قرار بولنان محكمه نظامیه به مراجعت ایتاری لزومه قرار ویرلش ایدوکندن بخلاف فاض مذکورك دخی مرقوم قسطنین تحصیل حقنده متوفای مرقومك ورته سندن برادری یورکی ووصی موی الیه احمد افندی قوش اطه سی بدایت محكمه سی حقوق دائره سنه بالمرامجه اقامه ایلدکری دعوانك جریان ایدن محاکمه و تدقیقاتی نتیجه سنده اوتوز درت بیک الی یوز کور غروشه مدعی علیه قسطنی قارتال دن بالتحصیل ورته دن صغیره شودوسیا و غایبه استمیا ایچون و صیلاری احمد افندی ایه مرقوم یورکی به اعطاسنه و ادعای واقع اعلام شرعی به مستند اولدینندن حکم و اقلم موقهٔ اجراسنه دائر ذکر اولنان بدایت محكمه سندن تنظیم واعطا قتلان اعلامك عند الاستیناف اعلام شرعی من بور هنوز کسب قطعیت ایتدیکی حالدده درجهٔ اولی محكمه سنجه اجرای موقه قرار ویرلمی سینه و اسباب سائر به بناء فسخته و ذات دعوی ثبت دفتر قسامله مقدما صغیره و غایبه من بور تانه قبل شرعیدن وصی تعیین اولنان مدعی علیه مرقوم قسطنی طرفندن بالوصایه اداره ایدیلان ترکیه و وصایله امور اداره و حسابیه به متعلق ووصی مرقومك مقبوضات و مدفوعاتك تدقیق و رؤیتله ایضا و اجرا ایدیلجك خصوصاتدن متولد بولنق حسیدیه تقریق و وظائف قانونی حکمی ایجانجه فصل وحسمی محكمه شرعیه عاڈ مواددن اولدینغه مبنی دعوی مذکور نك ردیننه ووصی موی الیه احمد افندی ایه یورکینك دیله دکری حالدده مرجعه مراجعتله وصی مرقوم قسطنین محاسبه طابنه صلاحیتلری باقی اولسنه قرار ویرلیدکندن و مستدعی تمیزلرک اشبو قرار علیه ویردکری لایحه لره مندرج اعتراضلرینك خلاصه سی دخی اساس ماده حقنده مقدما محكمه شرعیه جه عرض و عمیق تدقیقات شرعیه اجرا قلدیننی حالدده محكمه استینافیه به بتکرار کیفیتك

محكمه مذکور به رد وحواله سنه قرار ویرلمی و مرقوم قسطنین برکونه صفت وصاتی بولنماش ایکن مرقومك باجحت شرعیه وصی عدیه ایضای معامله واعلام ابتدائینك فسخته اعطای قرار اولنسی مغایر قانون ایدوکنندن بخلاف اعلام استینافینك تقضی و مدعی علیه قسطنینک لایحه سنده محرر فذلکله اجوبه ده اعتراضات واقعه واهی ایدوکی بیانیله ردی استداسندن و مطالعه نامه نك مفادیده اعلام تمیز بهده محرر اسباب مقبوله نظامیه به نظراً وظیفه حقنده کی اعتراضك موافق قانون کوریه مدیک بیانندن عبارت بولنشدر .

ایحای لدی المذاکره مندرجات اعلام استینافیدن مستبان اولدینی وجهه دعوی واقعه نك امور وصایته متعلق اولیوب بلا دور واقع اولان گذشته و تفرعاتی طلبنه متداثر اولسنه نظراً محاکم نظامیه نك رؤیت ایده جکی مواددن اولدینی حالدده محكمه استینافیه جه اسباب محرریه بناء رؤیت دعوانك محكمه شرعیه به عادیته قرار ویرلمی مغایر قانون اولدینغه مبنی اصول محاکمه حقوقیه قانوننك ایکی یوز اوتوز ایکنجی ماده سی حکمنه توفیقاً اعلام استینافینك نقضیه کیفیتك احکام قانونیه دائره سنده رؤیت و تدقیق ضمنتده محكمه مذکور به اعاده سنه و اوچوز یکریمی طقوز غروش اون پاره مصارف تمیزیه نك بالاخره حقسنر چیقحق طرفه راجع اولق اوزره اول امرده مستدعی تمیز احمد افندی ایه یورکینک آنسنه ۲۴ کانون اول سنه ۳۱۸ تاریخنده اکثریتله قرار ویرلدی .

تجاردن علی اغایه تهدید آمیز مکتوب ارسال ایه اون بش لیرا طلب ایلدیکی ادعا قلمسندن دولایي جنایتله اتهام اولنان حاجی مصطفانك اوچ سنه مدته کورکه قولسنه دائر سیواس ولایتی استیناف محكمه سی جزا دائره سندن ویریلان بتمش بدی نومرولی اعلام اولونیه نك بشقوبی قریه سندن مرسین ارسالنك مادهٔ قلدندن دولایي جنایتله اتهام اولنان نعمان بن جانه نك اون بش سنه مدته کورکه قولسنه دائر برات سنجانجی بدایت محكمه سی جزا دائره سندن ویریلان ایکییوز اتش سکر نومرولی اعلام

حاجیلر قریه سی اهالیسندن خلیل بن حسینك کیفیت قلدندن دولایي جنایتله اتهام اولنان قریه مذکورلی عثمان بن عمرک اون بش سنه مدته کورکه قولسنه دائر اورفه سنجانجی بدایت محكمه سی جزا دائره سندن ویریلان یکریمی ددت نومرولی اعلام سنیچه نك غوراجیک قریه سندن لازار و میلو صاوک اشیلاری سرققت ایلسندن دولایي جنایتله اتهام

اولنان رنجبر نالک اوچ سنه مدته کورکه قولسنه دائر سنیچه سنجانجی بدایت محكمه سی جزا دائره سندن ایکینجی دفعه اوله رق ویریلان یوزاوبن نومرولی اعلام مزرقه قریه لی علی حسنك مادهٔ قلدندن دولایي جنایتله اتهام اولنان رمون زاولونك اون بش سنه مدته کورکه قولسنه دائر مار دین سنجانجی بدایت محكمه سی جزا دائره سندن ویریلان یکریمی نومرولی اعلام صومه قضا سندن شقی جرکس اسماعیله یتاقلق ایتلرندن دولایي جنایتله اتهام اولنان بنچانك دامادی بانی و برادری میخالک اوچر سنه مدته کورکه قوللرینه دائر صاروخان سنجانجی بدایت محكمه سی جزا دائره سندن ویریلان یوز اون طقوز نومرولی اعلام کشانی احمد بن ابوبی قتل ایلدیکی ادعا اولنسندن دولایي جنایتله اتهام اولنان صاروخانی مصطفی بن علینك اون بش سنه مدته کورکه قولسنه دائر بیغا سنجانجی بدایت محكمه سی جزا دائره سندن ویریلان ایکییوز قرق بدی نومرولی اعلام

محمد بن ابراهیمك آخوری قپوسنی جبر و شدت استعمالیه شکست ایدرك حیواناتی سرققت ایتلرندن دولایي جنایتله اتهام اولنان محمد بن مصطفی ابوعابده وحمیس بن حسن سلامه نك اوچر سنه مدته کورکه قوللرینه دائر قدس شریف سنجانجی بدایت محكمه سی جزا دائره سندن ویریلان یتش بر نومرولی اعلام محكمه تمیز جزا دائره سنجه تصدیق اولنشدر .

حق دخولی اولدینی حالدده لطفیه خاتمك خانه سنه کیرن خدمتکار سلیمان دن آلتی بشاك جزای نقدی اخذیننه

مارقده ایه استرپانك جبراً خانه سنه کیردیکی اکلشیلان خالیجی اوغانده ساکن سمسار اسماعیلک اون کون حبسنه دوره نا نام قادینه اطالهٔ لسان ایدن قلابجی باغچه سنده مقیم قسطنین یارم لیرا جزای نقدی اخذیننه غلطه ریختمنده بیرا خانه جی یونانی نیقولینك ترصد مأموری مصطفی واحسان افندیلره اجرای مأموریت حالننده حقارت ایلدیکی ثابت اولدینندن مرقومدن ایکی لیرا جزای نقدی اخذیننه

بکزاده زقافنده ساکنه آقونی ایه صوفینك یکدیگری ضرب ایلدکری ثابت اولدینندن آقونینك برهفته و صوفینك اون کون حبسنه زوجیه سی صدیقیه خاتونی ضرب ایدن اسکدارده ساکن صندالجی حسن اغادن ایکی لیرا التهرق مضروبیه اعطاسنه صدقی افندی به اطالهٔ لسان ایدن فائق افندی دن

برلیرا جزای نقدی آنسنه و زوجیه سی امینه خاتمك ده برهفته حبسنه

بقال چراغی اسپرونی ضرب ایدن اسکدارده مقیم طاقونیه جی عثمانك برهفته حبسنه

علی اغایه اطالهٔ لسان ایدن اسکدارده صولاق سنان محله سنده ساکنه منیره خاتمك اوچ کون حبسنه

اجرای مأموریت حالدده پولیس چاوشی خلیل افندی به حقارت ایدن اونیک افندی ایه اجزاجی چراغی کیفورق ورفیقی اونیکدن بر لیرا جزای نقدی آنسنه

آجی چشمه موقعنده مستخدم پولیس مأموری حسین افندیك اجرای وظیفه حالدده رفیق افندی به اطالهٔ لسان ایلدیکی ثابت اولدینندن اون کون حبسنه درسمادت، بک اوغلی واسکدار بدایت محكمه لری جزا دائره لرینجه قرار ویرلشدر .

## اعلامات

درسمادت استیناف مدعی عمومیکندنه : بیک اوچوز اون طقوز سنه سی جز براننك اون التنجی کیجه سی بک اوغلنده سیم کوبنده صوتیری جرح و قتل ایتدکری ادعاسیله مظنون بولنانلردن اولوب فری کوبنده قاسم پاشا جاده سنده برخانه ده ساکن ایکن وقعه نی معقب فرار ایتش اولان و اشكال و اوصافی غیر مضبوط بولنان تخمیناً اون سکر یاشلرنده ترزی یانینك اصول محاکمات جزائی قانوننك مواد مخصوصه سی احکامنه توفیقاً درسمادت جنایت محكمه سننده محاکمه سی اجرا قلدنق اوزره قانون جزانك یوز یتش درنجی ماده سی موجبجه جنایتله اتهامنه قرار ویرلیدکندن مته مرقومك هر زرده کوربولورسه طویرلوب محكمه مذکورده توفیقخانه سنه تسلیمی لازم کله جکی بالجله ضابطهٔ عدلیه مأمورلرینك معلومی اولق اوزره اشبو اخذ و گرفت مذکره سی درسمادت هیئت اتهامیه سندن بالتظیم اعطا قلدی .

بیک اوچوز اون طقوز سنه سی مارتنك بکرمنجی کیجه سی بدی قله ده چراغی حسن محله سنده جقور چشمه جاده سنده بقال یورکینك دکانی آلت مخصوصه استعمالیه کشاد ایدرك سرققت قصدیه کیردیکی ادعا قلمسندن دولایي مظنون علیه اولوب غیر موقوف بولنان اوزونجه بویل آرزادی بیقی آجیق آلتی صاربحه صاجلی مدور چکلی محله مذکورده ده



متصرف اولديني خانه ده ساكن اولوب بايزيده سيمكشخانه  
آرقه سنده كي دكانده تيمورجيلك ايدن تبعه دولت  
عليه دن يكرمي برياشنده ديمستوني ولد فوطيك اصول  
محاكات جزاينه قانونك مواد مخصوصه سي احكامنه  
توفيقات در سعادت جنايت محكمه سنده محاكمه سي  
اجرا قلنمق اوزره قانون جزانك ايكيوز اوتوز  
برنجي ماده سنك علاوه سي دلاليله ايكيوز يكرمنجي  
ماده سي موجبنه جنايتله اتهامه قرار وريدكندن  
مهم مرقومك هر زده كوريلورسه طوتيلوب محكمه  
مذكوره توقيفخانه سنه تسليمي لازم كله چكي بالجله  
ضابطه عدليه مأمورلر سنك معلومي اولمق اوزره اشبو  
اخذوكرت مذكره سي در سعادت هيئت اتهاميه سندن  
بالتنظيم اعطا قلندي .

### برنجي محكمه نجامته :

يونان دولتي تبعه سندن بانكر موسيو خرملبوس  
حاليكو بلونك وكيلى غلطه ده تيمور خانه اون بر  
نومرولى دائره ده مقيم دعوى وكيللرندن يازيجيسان  
طروس افدينك اولجه در سعادت مرجان اغا محله .  
سنده اوريچيلر حامى زقاغده اون يدي نومرولى  
خانه ده مقيم ايكن اليوم اقامتكاهي مجهول بولسان  
حاجي شريف افندي عليهنه اقامه ايتديكي دعوان  
طولاني لاجل المحاكمه اعلانات اجراسيله وقوعبولان  
تبليغات اوزرينه تعيين اولنان كونده مومى اليه حاجي  
شريف افندي دعوتيه اجابت ايتماسندن ناشي مدعايه  
اولان ايكيوز اون بر عدد عثمانلى ليراسى واوتوز التي  
يحق غروشك مع گذشته ومصارف محاكمه وسايره  
كندوسندن تحصيلي حكمي حاوي در سعادت تجارت  
محكمه سي برنجي مجلسندن صادر اولان ۱۰ ايلول سنه  
۳۱۹ تاريخلى ۸۷ نومرولى اعلام غياييك صورت  
مصدقه سي محكوم عليه مومى اليك بر منوال محرر  
اقامتگاهي مجهول بولنق حسيله اصول محاكمه تجارت  
نظامنامه سنك يكرمي برنجي ماده سي حكمه توقيفاً طرفه  
تبليغ اولنش عدايدلك اوزره محكمه نك ديوانخانه  
سنه تعليق اولنديني كي كيفيتك اوراق حوادث  
واسطه سيله دخي اعلانه ايتدار قلندي .

### تجارت بحريه محكمه سنده :

بشكطاشده ارمني كليساسى عقاراتندن برنده  
اجراي صنعت ايتكمده ايكن محكمه تجارت بحريه جه  
افلاسنه قرار ويلمش اولان تيمورجي اصنافدن آرتين  
قره مانايانك دكانده موجود آلات وادوات حديدية نك  
بالزايده فروختي قراركير اولديغندن طالب اولانلر  
ماه حالك يكرمي اوچنجي صالى كوني ساعت درت راده .

لرنده محل مذكوره حاضر بولنلري اعلان اولنور .

### سوليك تجارت محكمه سنده :

سلانيكده سينه صاواده مقيم ايكن سلانيك ولايتي  
مرکز تجارت محكمه سنجه افلاسنه حكم اولنش اولان  
بن بنسني وقوهن شركتلك خصوصات افلاسيه سنك  
رؤيت وتسويه سي ضمنتده دعوى وكيللرندن عزتلو  
يوصف نار وتجارندن قباي زاده رفعتلو نامق ودعوى  
وكيلى رفعتلو ياقوئل افنديلر اصالة سنديك انتخاب  
وتعيين قلنمش اولدقلرندن مفاس مرقوم ذمنتده  
الاجني اولانلر قانوننامه تجارتك ۱۹۹ و ۲۰۰ نجى  
ماده لري موجبنه تحقيق ديون ايچون تاريخ اعلان  
اعتباراً ۲۱ كون ظرفنده سندى حاملاً ماسه  
مأمورلرينه مراجعت ايللري وختام مدتدن صكره  
اوچ كونده يعنى ۱۳۱۹ سنه سي تشرين اولنك ۱۳ نجى  
بازار ايرتسي و ۱۴ نجى صالى و ۱۵ نجى چهارشنبه  
كونلرنده محكمه مذكوره كله ريك سنديك افنديلر  
مواجهه سنده الاجقاريني اثبات وقيد وتصديق  
ايتديرملري ومدت مذكوره ده اثبات وجود ايدميا  
الاجقاولر حقنده قانون مذكورك ۲۱۰ نجى ماده سنه  
توقيفاً ايفاي معامله اولنه چني اعلان قلنور .

### محكمه تجارت اصرا دائره سنده :

ياني ملاسك بقال ياني ايله زوجيه سي اليساوت  
واوغلى استاوري ذمتلرنده ايكنجي محكمه تجارتدن  
مسجل صلحنامه موجبنه مطلوب اولان مبالغك  
تأمين تسويه سي ضمنتده طوبخانه ده قره باش مصطفى  
اوغلى محله سنده طوبخيلر جاده سنده بر باب بقال دكانك  
اوچيوز يكرمي اوچ و اوچيوز يكرمي بش نومرولر ايله  
مرقم اولوب اليوم يكديكرينه مقلوب بولان وفوقنده كاركير  
اوله رق آلتى اوطني محتوي شهرى اوچيوز لشم غروش  
ايجاره متحمل اولان اوچيوز يكرمي اوچ نومرولى  
بر باب معين دكان محله ده مديونلردن يانينك سكر حصه  
اعتباريله متصرف اولديني بر حصه ايله مذكور دكان  
دروننده مستقر صرف ملك قورى قهوه جي كدكنك  
نصف حصه سنك اوچ حصه اعتباريله بر حصه سي  
وكذلك مع اوطة دكانك يالكز اوچيوز يكرمي بش  
نومرولى معين محله ده مديونلردن اليساوتك متصرفه  
اولديني نصف حصه سي بوندن اقدم موقع مزايده  
قونيله رق عثمانلى ليراسى يوز غروش حسابيله بشيك  
يدي يوز غروشده طالب عهده سنده قلنش وتاريخ  
اعلان اعتباراً اوتوز بر كونه يعنى كله چك تشرين اول  
رومينك يكرمي برنجي صالى كوني ساعت اونه قدر  
يوزده بش ضم قبول اولنسي و ذكر اولسان يوم

وساعتده صوك مزايده سي بالا اجرا قرار قطعي سي  
ويريله رك طالب عهده سنه كچورلسي مقرر بولنش  
اولديغندن و آندن صكره هر نه ضم وقوعبولور ايسه  
قبول اولنيه چغندن مذكور حصه يه يوزده بش ضميله  
طالب اولنلر و بشقه جه معلومات آلتى استيانلر  
بدل مزايده نك عشرينه مساوى بي اچيه سيله برابر  
مدت مرقومه ظرفنده محكمه تجارت اجرا دائره سنه  
مراجعت ايللري ويوم ووقت مزبورده مذكور دكان  
بشكاهنده مأمورى مواجهه سنده حاضر بولنلري  
اعلان اولنور .

### اسكداريات محكمه سي اصرا دائره سنده :

متوفى بوغاريان مارغوص افانك ورته سندن  
كرمه سي ماننك ومخدومي قيريل افنديلر متوفى  
بوغاريان ورته سي ميقاتيل اغايله آندون وبوزانت افنديلر  
ذمتلرنده بااعلام الاجقارلي بولسان مبالغك تأمين  
استيفاسي ضمنتده حيز آلتنه آلتان در سعادتده فارده  
بلاط جاده سنده صوباشي عبيدي اغا محله سنده بر طرفي  
يمنيچي اوغلى نيغولي عرصه سي وديكر طرفي قلعه  
ديواري وبر طرفي فوتيقي قاديك عرصه سي و طرف  
رابعي طريق عام ايله محدود مديون مرقومانك ربع  
حصه لرينه تفريق اولنش تخميناً التمش اوچ ارشوندن  
عبارت (۴۹) نومرولى بر باب آخور عرصه سي  
وچنكل قريه سنده بكار دره سنده قيوچينك باغي ديمكله  
معروف باغك ايكي طرفي قانتقو قاديك باغي وبعضا  
علي بكك عرصه سي وبر طرفي بعضاً قوچو ونعليند  
حاجي احمد افندي ورته سي باغي و طرف رابعي طريق  
عام ايله محدود دروننده ايكي قاتلي آلتى اوطة ، بر  
صوفه وبرقيو وبر مطبخ وآلتنه بر آخور ويارم  
كاركير كوشك ايله ينه درون باغده اوچيوز ارشون  
محانه ايكي قاتلي كاركير اوله رق ايكي اوطة وبر صوفه  
آلتنه اتى حيوان استيعاب ايدر آخور محلي و درون  
باغده طاتلي صولى جسم درت عدد بوستان قيوستي  
واشجار مشمره وغير مشمره ني حاوي تخميناً التمش ايكي دونم  
و (۱۳) نومرولى باغ محلي ايله آكا مربوط بر طرفي  
متوفى مصطفى افندي ورته سي باغي وديكر طرفي  
حسيد پاشا دره سي طرف ديكرى قواص باشي احمد  
افندي باغي و طرف رابعي طريق عام ايله محدود تخميناً  
اوچ دونم متصرف اولدقلري دولنق محلك تاريخ  
اعلان اعتباراً اون بش كون صكره بالزايده  
فروخته تشبث اولنه چني اسكدار بدات محكمه سي  
اجرا دائره سندن اعلان اولنور .